

Me tɔnɔn asaria yen adunia nɔɔsiabu

Garin tore

Nde me ba doke mo tɔmbu kpuron beere ka ben asaria nerabu soɔra tii moru ka gem weebu ka sere si na ta tasa anduniaɔ,

Nde me dunia soɔ tɔmba n ki bu tɔ nun asaria ka yeru sariru dooru doke sere ba n ye tusa n dera daa kam ya dabia ma ya duniagibu daakari seeya. Yen soɔna ye tɔnu kanamɔ n kpuro kere yera u wa u n tii mo kpa u gere ye u bwisika, u tamaa doke kpa u narurabu ka yaaru biru ko,

Nde me ye ya kere yera tem mi ba wooda swii bu tɔnun asaria noni doke, n wa tirasi yu ku wii deema u ka tii yina yen so ba wii yoru diisiamɔ ka ba wii takaasi mo,

Nde me ye ya kere yera bu nɔɔsina ka bu borɔnu dam ke tem baa,

Nde me tire te soɔ tem tɔm be ba. Waa ONUN yigberu soɔ ba tɔnun asarian tii, win girima ka win beere, tɔn durɔ ka tɔn kurɔn nerabu (goo kun goo kere) kpam naane kua. Ma ba yii bu (swaa kpee) ko ne tɔmbun waaru ta koo ka sosi, kpa bu waaru gosia doonɔɔrugiru mi tii mora kon kpa,

Nde me tem ka tem me mu, yigberu duuwa me ka ONU ba mua bu ko me ba koo ko bu ka tɔnun asaria ka win tii morun tii tii girima doke,

Ye ya kere yera suam tem (tia) me tɔnun asaria ka win tii morun swaa soɔ, n wa me ba yii ba ne ba koo ko bu ye ko mam mam.

Menno boko ge, ga yɔrasia ga ne:

me tɔnun asaria yen andunia nɔɔsia bi bu saawa, gaa ni bweseru baatere ka tem baamere mu kasu mu naa, n wa tɔmbu kpuro, soɔ ko yenu ka yigbenu kpuro, bo n tɔnun asaria nɔɔsia bi bwisika bu asaria girima dokebu ka tii moru wuu swaa daasia ka keu soɔsibu ka sere bwisi sosibu. Kpa bu ko me ba koo ko n wa kpure kpure ba aweren temɔ, bu girima doke bi ka tii moɔ te sua, kpa bu ka soɔm buru ko wuu si su waa yigbe te soɔn tɔmbun tii ka tem me ba mo min tɔmbu soɔ.

Damba 1

Ba tɔmbu kpuro marawa ba tii mo, ba ne, girima ka saria soɔ. Ba ra bwisiku, ba dasabu mo, ma n weene ba n waasinge merobisiru soɔ.

Damba 2

Baawere ko kpi u sariaba ka tii moɔ ni ba kpara min baruka digoo kun tuko, bwesera, wasin gona, durɔwa, kurɔwa, politikin beragia, n kun me bwisikunu gana.

Yen biru, n n koorɔ bu tem ka tem wunana politiki ka wooda swaa soɔ. Ko da tem min di tɔnu yarima, mu tii monu mua, mu n mue ro.

Damba 3

Tɔnu baawere u waarun saria mo ka tii moru, ka sere me ba koo wii yina.

Damba 4

Ba n goo yoru muamɔ, bu sere wii dendi. Ba yoru diisiabu ka yoru muaba yina.

Damba 5

Ba n goo takaasi mo, ba n ma goo noni swaaruu soɔsina, bu sere goo nuku kosuru, ka sanani ka ma sere ye n n weene bu tɔn wundeko ni kuaa siimaa ko.

Damba 6

Baawere asaria mo yan kpuro bu wii tuburi u n siribun tɔnu.

Damba 7

Tɔmbu kpuro ba newa woodan bera (swaa soɔ) n maa weene tii yina bi ba ko ka be yina, bun saa tia bu ku goo suu wuna, n da ma ba saria ye sara, bu ka wa bu be taki di ka bu be nɔɔ kuuri be kpuro wooda ya ko be gane.

Damba 8

Tɔnu baawere u saria mo u win tem siru ye feagiru faaba kana ma ba wi toraa swe yi soɔ wooda ya wi nɔɔ ka.

Damba 9

N n koro bu tɔnu yɔrasia, bu wii nua n kun me bu wii tem yara.

Damba 10

Tɔnu baawere u saria mo, naa nebu wolluyee, u win mem gere bu nɔɔ dee dee samaan noni, kpa siri yeru te ta n gonnu ka yaa murenamɔ, tu wunana u n gem mo, ye n win baa ka win tirasi, tora te ba ma wi waasi to n gem, sirikobu bu asaria ko.

Damba 11

Tɔnu wi ba toraru waasi, ma ba n gina ten see da noma tura, yen yero kun gina gee mo. Ba n koo wi siria n saria mo u goo kasu wi u koo ka wii yina.

N n weene bu tɔnu taare we yen so u gaanu kua n kun me yen so u gaanu duari ni nu n waa toraru ka asarian swaa soɔ, saname u ni kua Yen biru, n n weene bu yero taare we ya n kpaaru kere nde ye ba ko raa wii we saa ye u tora.

Damba 12

Tɔnun waarun gari, win yenu win nɔɔsina ka win berusebu ya n goo wa. Mena maa n n weene bu tɔnu beere biasia kam soɔ. N weene asaria yu ka tɔnu yina ka kookoo si sa sia mi.

Damba 13

Tɔnu baawere u saria mo u da mi u ki, kpa u win yenu bani win temɔ.

Tɔnu baawere u saria mo u tem gam n di see, ka da win tin tem, u koo ma kpi u wure u wuraa mi.

Damba 14

Bo n tɔnu takaasi mo, u saria mo u waayeru kasu tem gam gia, kpa u tem min baruka di.

Ba n kpe bu asaria ye gbiisia ma ba seeda kua ba wa mo u torawa. N n maa koorɔ bu asaria ye gbiisia ma win kookoosu kun saa dee dee n de me yigbe baka te ONU ya yii.

Damba 15

Tɔnu baawaren sariawa u n saa tem gam tɔnu.

Ba n goo yinarimo u n saa tem gam tɔnu, bu sere wii yinari u tem sweyna.

Damba 16

Saa tɔnu saa gaa tura, ba n bweseru garu, tem gam tɔndu, gusu no saaru garu suu wune, tɔn kuro ka tɔn durɔ ba saria mo bu suana kpa bu bibu ma. Ben saria ya ne wa suanaan swaa soɔ.

Be ba ki bu suana sere bu gina nɔɔsina n kun tirasi.

Sa seewa sa tɔnun bweseru deemawa tem mi, bwese tera ta gbiia n ma weene bu ka te yina.

Damba 17

Baawere, a, wi turowaa a be dabinaa, u kon win baa moɔwa.

Ba ñ kpe bu tonu win gaanu worari ka dam.

Damba 18

Tonu baawere u ayeru mo: ù bwisiku nde me u ki, u n dasabu mo, kpa ù gusuno sa; aye te ta dera u koo kpi ù gusuno saaru garu deri ù garu swii, nde me u koo kpi ù gusuno saa wi turo, n kun me sannu sannu, samaan wuswaa n kun me win berao nde me u ki.

Damba 19

Tonu baawere u saria mo ù gere me u wa, u kun nande, kpa ù gari ka dabaaru ye u nua tem pusi me u kpia ka mi u ki.

Damba 20

Tonu baawere saria mo ù menno ka yigberu ko ta kun naanaanu ganu mo.

2. Ba ñ goo tirasi mo ù yigberu garu du.

Damba 21

Tonu baawere u saria mo ù win tem tombun wunanosu soo du ù n ki win tii tii, n kun me ù somobu gabu wuba be u ki bu wi wunana.

Tonu baawere koo kpi ù samaa samburu (bature samburu) ko, nde me ba yen kpuna yii.

Me samaa ya yii mi soora tem dam mu tasa. Swaa ye soo ba ko n da tete to, taki sari, sanam ka sanam, tambu kpuron noni biru n kun me bokusao, bu ku goo tirasi ko u ka goo tete toowa.

Damba 22

Tonu baawere u saria mo u nom keru wa, mi win baa ya waa kpuro. Ka win tem kookari, ka mi noosina ye ya waa ka tem tukun dam, n wa win waaru tan girima mo.

Damba 23

Tonu baawere u saria mo ù som buru ko, ù gosi te u ki, ka ten ye ta mo n koo ka wi naawa keru wa samburu to n ra yora gaso.

Tombu kpuro, ba kosia teeru mo bu mua saa ba ka som bwese te eru mo

Wi u samburu mo kpuro u saria mo ù koriaru mua me n weene, sere tu wi win yenugibu turi me ba kon ka waaru dimo dee dee, n koo koora buka be yina.

Tonu baawere u saria mo wi ka gabu bu som kowobun yigbe te ta ra ka be yine swii, kpa bu kpan yigbe merosu soo du si su ko nda ka be sune.

Damba 24

Tonu baawere u saria mo ù wera, u dwee, ù samburu ko u ku saka sarasia, kpa ù weraru ka kosiaru giru mau sanam ka sanam.

Damba 25

Tonu baawere u saria mo ù waaru diisina me u koo ka win bwaa dobu, win bwe, ka win yenugibugia noori, nde dianun bera, yanu waayeru, dokotoro tim. Win samburu to n yora, ù n bara ù n yemo kua, ka sere ye u mo ye n buera n kun ka win goru kiru, u saria mo nom kerun yigberu tu wii dera.

Yooniru ka biru ta saria mo bu te noori gem gem. Kuro wi na ka kuro kpaaru mo win bibu, ka wi na ñ ka kuro kpaaru mo n bibu, be kpuro somi tee tera ba ko be ko.

Damba 26

Tonu baawere weene ù keu ko. Keu ya weene bu ye ko n kun ka gobi, n ñ man kere keu dii piibinugia. Kei dii piibinunkeu ya saa tirasi. Keu noman som meeribu gia ka gbankoko som meeribugia n weene bu n saa tambu kpurongia, saa ba ka yen saka tura.

Ye tonu kasu keu soo yera bwe dora, n wa tonum asaria ka win tiin morun noni dokebu bu dam sosi. Keu ya weene yu somi me noosina, suuru, ka kiru ta kon ka waa tem kpuro, bwese wuunu kpuro n kun me gusuno saarugibun mi. Kpa yu kpam yigbe baka te ba soka ONU somi ten wari soo me ta koo ka sina seeru swii andunia soo.

Biin tundo ka biin mero ba ayeru mo bu ben bibu keu doke swaa ye ba ki soo.

Damba 27

Tonu baawere koo kpi, dwee bi tomba mo ù bi du ma u ki, kpa ù bin baruba di. Tonu baawere koo kpi ù kasoo soo du kpa ù yen arufaani di.

N weene su ka tabu yari, n wa wi u kasoo mo (gaanun gosiabun bera, tire yoran beran) ù yen arufaani di.

Damba 28

Tonu baawere u saria mo ù ko me u koo ko, tambu soo ka tem tukumo, baayere ya n ka noo ne saria ka tii mo to n gari ba kpara mi soo kpa tambu ka ye samburu ko.

Damba 29

Tonu, tirasi, sambura, wi yiye ù samaa kua domi mi soora u ko win baayere siisia me u ki.

Tonu ò n asaria ka tii moru mo a n maa winsingia geriti, a n tii ye n wa goo ù ku ka googia menna kpa wuu gu ka sina see. Ba ne mi be tonun ayera yora, mi n dia googiru ta torua.

Saria be ka tii mo te, ye kpuro, ba ñ ka yo samburu mo bunanam. Nde me yigbe bakate ONU ya yii mesuma ba koo sua.

Damba 30

Ye ka ye ba yii tonun asarian bera mi baasi, kpunaa gaa ka kookoosu gasu maa sari, si ba koo tusia nenem, tem gam, bu ka saria ka tii mo te ba kpara mi kpeera - sia pai.